

SekitarJPA

Kupasan Perjalanan Transformasi JPA

Edisi 12: 16—31 Julai 2015



MENARIK DI DALAM

- **Sambutan Hari Pahlawan Tahun 2015.....2**
- **Sekalung Penghargaan & Tahniah2**



PROGRAM TURUN PADANG BERSAMA WARGA PEJABAT KETUA PEGAWAI KESELAMATAN KERAJAAN MALAYSIA

Pada 30 Julai 2015, berlangsungnya Program Turun Padang Ketua Setiausaha Negara (KSN) Bersama Warga Pejabat Ketua Pegawai Keselamatan Kerajaan (KPKK) Malaysia di Dewan Auditorium, Kompleks JPM.

Seramai 300 Pegawai Keselamatan Kerajaan, Penolong Pegawai Keselamatan Kerajaan, Pembantu Keselamatan dan Pengawal Keselamatan daripada 20 Kementerian, Jabatan dan Agensi yang mempunyai jawatan kader Skim KP telah hadir ke majlis ini.

Dalam ucapan beliau, Tan Sri Dr. Ali Hamsa berharap agar sesi musyawarah atau *engagement* seumpama ini dapat dianjurkan dari semasa ke semasa sebagai salah satu platform di mana para penjawat awam di pelbagai peringkat jawatan dan gred dapat bertemu dan memberikan maklum balas serta idea demi kebaikan dan kesejahteraan bersama.

Tan Sri KSN juga ingin mengingatkan kepada seluruh penjawat awam agar sentiasa mendukung prinsip taat setia kepada Raja, Negara dan Kerajaan yang memerintah dan hendaklah sentiasa menjaga rahsia kerajaan yang telah diamanahkan kepada kita dengan bersungguh-sungguh dan dengan cara yang terbaik. Penjawat awam juga diingatkan untuk tidak melibatkan diri dalam sebarang aktiviti atau perbuatan yang boleh disifatkan sebagai mencemarkan imej Perkhidmatan Awam dan menjelaskan ketenteraman dan keselamatan Negara.

Tan Sri juga mengambil kesempatan mengucapkan tahniah kepada Pejabat KPKK yang telah berjaya membangunkan dan seterusnya mentransformasikan urusan tapisan keselamatan daripada sistem manual kepada sistem *online* dengan memperkenalkan sistem *e-Vetting 2.0*.





SAMBUTAN HARI PAHLAWAN TAHUN 2015

31 Julai 2015 - Sambutan Hari Pahlawan Tahun 2015 di Dataran Merdeka, Kuala Lumpur diadakan dengan penuh adat istiadat kepahlawanan bagi memperingati jasa pasukan keselamatan yang berjuang dan berkorban demi kemakmuran negara. Yang di-Pertuan Agong Tuanku Abdul Halim Mu'adzam Shah serta Raja Permaisuri Agong Tuanku Hajah Haminah berkenan berangkat menyaksikan istiadat sambutan yang diadakan.

Tarikh 31 Julai ditetapkan sebagai Hari Pahlawan pada setiap tahun sempena hari perisytiharan tamatnya zaman darurat pada 1960 dan ia pertama kali diadakan pada 4 Ogos 1968. Istiadat tahun ini adalah sambutan kali kelima berlangsung di Dataran Merdeka selepas berpindah dari Tugu Negara pada tahun 2010.

“A leader is one who knows the way, goes the way, and shows the way.” —John Maxwell

PERASMIAN ADVANCED LEADERSHIP MANAGEMENT PROGRAMME (ALMP) NO. 47, BIL. 2/2015

Pada 31 Julai 2015, telah berlangsung perasmian Advanced Leadership Management Programme (ALMP) 47, Bil. 2/2015 oleh Dato' Jalil Marzuki, Timbalan Ketua Pengarah Perkhidmatan Awam (Pembangunan) di Dewan Sri Baiduri, INTAN Bukit Kiara. Kursus ini akan berlangsung bermula 31 Julai sehingga 28 Ogos 2015, dan dihadiri oleh 59 pegawai yang sedang memangku JUSA C dari pelbagai agensi. Program ini diadakan bertujuan menambahkan pengetahuan, mengasah kemahiran dan membina profil kepimpinan-kompetensi berdasarkan ciri-ciri dan kualiti para peserta.



Sekalung penghargaan dan tahniah diucapkan kepada Yang Berbahagia Dato' Dr. Ahmad Jailani Mohamed Yunus yang menerima Darjah Sultan Ahmad Shah Pahang (D.S.A.P.) dan Yang Berbahagia Dato' Haji Mansor Man yang menerima Darjah Indera Mahkota Pahang (D.I.M.P.). Darjah kebesaran yang membawa gelaran Dato' ini dikurniakan oleh Ke Bawah Duli Yang Amat Mulia Sultan Pahang Sultan Haji Ahmad Shah Al-Musta'in Billah Ibni Al-Marhum Sultan Abu Bakar Ri'ayatuddin Al-Mu'adzam Shah pada 31 Julai 2015.



JABATAN PERKHIDMATAN AWAM

Blok C1-C3, Kompleks C, Pusat Pentadbiran Kerajaan Persekutuan, 62510 W.P. Putrajaya, Malaysia | Telefon: 603 8000 8000

Sumbangan Berita: Warga JPA | Penerbitan: Pasukan Komunikasi | Percetakan: Unit Dokumentasi, JPA



www.jpa.gov.my



Jabatan
Perkhidmatan Awam



@jpa2day



Jabatan
Perkhidmatan Awam



jpa2day